

南山堂自訂詩

二

鄭子齋藏

PDG

南山堂自訂詩卷六

茗上吳景旭旦生氏著

蓮莊草下

蓮莊散步取東坡句中以茗溪築室荷葉遮門爲
韻八首

兩乳競飛舞傾爲西泠茗而我於其間朝暮分一瓢
此容膝戶散策且逍遙猶勝便便腹白日眠老韶

門前老瘠竹笋箐漸成隄人將寒此谷我自愚吾溪偶
爲文字飲蓬蓬酒到臍風狂百歲裏聊復唱黃雞

踏浪畏波濤踏土當車轂人生安穩地十步九堪策今
古浩茫茫誰辨麥與菽得失交臂間所以寶幽獨

天地詎不寬人自多礙窒鼠齧空橐中無乃迷其術緩
尋芳草去春風時可必三脚曲木牀要有鳴絃室

盧仝蟣蝨臣天門鬱嵯峨爬沙凶墓脚破屋奈若何低
頭拜東野士窮更不磨安用昌其身飛蓋軒如荷

讀書五十年半字無交涉萬牛挽一鼎氣先爲鼎攝健
筆獨力扛輕於脫秋葉琢腎箋蟲鰕止可作婢妾

始也習竟陵反掌爲鏤鄒梅村工七字高蹈吐天葩談
詩有牧翁晚乃逃三車斯文已彫喪風燈誰可遮

得路如得夢熟處屢相存此去官道遠桑柘淡孤村浩
歌纔已罷不省道何言翹首日云暮歸來獨閉門

玉蘭花謝

素姿別自一花叢未許羣芳鬪落紅片片藍田初出土
雙雙白燕乍迎風眼前飄蕩知春去往事淒涼與夢同
想到漢庭誇甲帳只今何處覓菁蔥

午酌有感

灌木陰陰片晷遮年衰努力使餐加中厨尚有燕來筭
小飲偏宜蠶白蝦燕到始生此筭育蠶時生軟白細蝦故名五斗交歡齊贅
壻一經相守漢傳家傷心酒市多遊宦獨自啣悲到日

斜

壬子除夕

辛卯以後屢經遷徙屈指二十餘載至壬子始
里中度歲感賦

廿年此夕與鄉違滿目蕭條事已非野店罷酤門掩早
荒時惜費爆聞稀愁深對燭徒添淚話久宜爐且共圍
猶喜二三知己在殷勤待我一來歸

王儀黃進士過磊亭聊以志贈

河洛人文聚第一拔其尤分較燕臺上磁與鍼實投

甲辰

榜兒

所薦鯉庭年更少侃侃青瑣流因抱林泉志疎散得自

由

爲子厚諫垣尊甫登榜後不復簪仕

所學旣已遂身非窮者憂所處旣

已恬心非勞者謀富貴與安樂何幸有兼收好自持高
節賢哉誰與儔氣誼良獨重整駕戾荒陬茶香酒正熟
肯爲主人留

癸丑上巳嚴子旣方脩禊於嗜退庵

曲水靈祠洛水城。姬觴羸劒兩馳名。況當勝日招同侶。
相逢盡道會耆英。疇昔被除誠何義。眼前皓首皆人瑞。
流傳異日作休徵。清問聿來猶可記。君家結屋枕城東。
花木蕭森地百弓。池上有篇追白傅。草堂入畫羨盧鴻。
其時長嘯疎簾裏。謾謾天風松下起。春深竹祖勢齊梢。
雨後桐君青露趾。雨後春深晝正長。乳鳩啼罷據匡牀。
叩關暫啟歲。蕤鏤挾客閒行。窅廊忽遇野航將。舍陸
却入主人藏書屋。百城高擁姿金題。四庫分讐充玉軸。
窗外十尋薜荔懸。徑開紆曲自鳴泉。臨流疑是傳栢地。
問歲仍云癸丑年。更見一楹出其上。稽山搨得蘭亭樣。
請君作序繼斯文。蠶繭鼠鬚奚足尙。羣賢列坐貯天真。

敢笑風流古未醇
宴遊金谷多離緒
酬唱藍田止兩人
何似吾徒傾大斗
平泉之石能醒酒
只今白髮話相於
春未我歸友我有

牡丹

看到洛花春事過
兩衙蜂鬧非一個人言
富貴無如渠
纏紅漉酒宜稱賀
豈因此花面團團
便將二字輕題破
若爾匏壺正足肥
梅影何須憐瘦餓
總是國色並天香
餘春又賴名花作

上聲

上則輕陰相護持
下則潄綠相負

荷阿環鹿兆傾妖血
邵子馬蹂見神課
獨有幽人長閉門
終朝無事惟對坐
畫手但欲貌穠華
昧却日午花情
情誰似我家正肅公
識察猫睛一線大

歐陽文忠得古畫牡丹下有一

猫先正肅公見之曰其花披哆而色燥此正午牡丹也
猫黑睛如線此正午猫眼也花帶露則房斂而色澤猫
眼早暮則睛圓日漸中稍長正午則如一線耳正肅公
大端載在宋史纂其逸事志祖先於勿替此亦一則也
漫成

十字晴波小逕穿亦稱隱士亦稱仙琅玕竹遶寧無肉
子午花開勝得錢新漲適從何處驟浮雲於我看來先
老漁只管尋桃去不問城南尺五天

其二

頭白昏昏老布衣世情翻覆閉雙扉雖無馬巷推耆德
詎可薦肩作刺譏噩夢十年纔一覺支離百事竟全違
笑他酒市爲何地錯把金貂賣弄非

客有示仇十洲畫金龜換酒事戲及

讀釣臺諸詩

滄江突兀子陵臺可有黃金築得來
端自故人狂態發長教志士壯心灰
千家鼠筆題將遍一領羊裘挽不同
聽取州名隨姓改豈終湮滅在蒿萊

題四皓圖

八十餘年目送歸鬚眉欲畫恐猶非
一時奇計垂青史萬古高人重白衣
籃底採芝同作曲掌中弄藥自忘機
要知四皓多仙骨未必班行羨著緋

奉挽嚴子旣方

少日文章似有神晚來道侶繼荀陳
知名盡識嚴夫子推算宜同絳老人
豈意推賢呼起起何堪痛腹聽麟麟
著書滿篋將傳世淚葉雖枯迹未泯

其二

憶自蓮莊戲語時漫稱趙畫

謂松雪

與吳詩遣懷依舊耽

搜句就正而今好向誰草苗新阡勞寤歎花開別墅想
追隨鳴酬兩鳥天公怪奪我良朋未可知

其三

豁達胸襟世所稀高情乃復見幽微幾同自匿玄纁服
直令人忘白紵衣馬策州門多隱痛龍泉墓樹豈終違
仙翎到此甘相戢祝祝昂來那得依

其四

哭罷揩摩老眼張疑君英爽未曾亡酸辛自覺衷難釋
慰藉還看氣正昌驥尾慙爲兩次附鰲頭輸却一籌長

殿元存庵與
兒鄉會同榜
玉堂端要真學士此句由來誦豫章

水月老人歌

族姓徐於越人年一百五十有奇寓錢塘之僻
巷不見人見之亦不語間一答所叩輒奇中始
服其有前知也

先秦有徐市悉發童男求仙履行時載籍尙未燔翻令
波臣備全史唐有徐佐卿幻入雲表翔修翎一箭中之
還帶去後來却認雨淋鈴今者徐公更超絕使物却老
都無涉天然百有五十餘武安坐上空饒舌訪之不笑
亦不言茆檐草榻曾未辨寒暄驗之時復有奇中惜字
放生每以勸大眾噫嘻乎古之所稱得道人耶瘠如鶴

鵲鈍如蛙破袈裟一僧家

雙甌舞

桓桓羅鎮衛敬客歛雄銳置酒論交情二三最投契席
上爲陳宣廟杯淡淡秘色琉璃脆知我性不肯近肥笋
蕨居多羊豕贅爰出雙童巾幘衣紅各人頭上小甌是
蒙但見貯火透盞外口啣竹箭時相椿忽然紅袖作對
舞火星閃爍照西東舞酣不禁腰貼地盤旋滾滾詫迴
風甌旣不脫落火又長如燭我想萬物之橐籥上必爲
之綴下必爲之根而兩相遭也可以兩相着豈有憑空
能得全徒令坐者費測度於是離坐呼童共索看一髮
不亂如托盤以手舉甌了無繫要之技熟勢自寬琵琶

雜奏銀箏發我其作歌夜已闌

追和張僧持宛在庵詩

方今偶至止疇昔此曾經獨約疑無渡遙山若送青吟
牋充老屋客履散前汀爲憶高人去煙霜只自扃

鹽官道中

小艇難爲客驚看野色凋數家堪聚落一水屢分橋支
枕仍書幌推蓬當茗寮未能除結習白髮任蕭蕭

寓安國寺

可堪投老日旅次獨沉吟夜半殘燈夢歲寒蕭寺心鬢
衰霜自怯濤壯霧偏侵漫倚高窗下重重俯碧潯

鹽官雜詠

渴滷占風尙應知此地偏
鹺增萬竈火絮等入蠶綿
仰汲頻穿井苦淤難灌田
近聞開濬畢歎息令君賢

許西
山爲

宰濬上
下兩河

其二

極天銀浪洶萬戶不驚心
潮趁層塘落魚乘潑水擒
講堂供信宿遊屐絕登臨
縱有蓬壺說仙山詎易尋

沿城
無山

其三

服習雖人事謀生亦似微
紡車當戶軋水檻隔塘歸
日落村酤賤秋涼廟市稀
僧雛猶得計共向紙錢圍

其四

食指而今動孤城未寂寥
螳肥雙足豎蝦輒白鬚飄
詞

死高銀管歌樓翫玉簫

有高名而狎聲妓

當筵嬌隊合疑近廣

陵潮

其五

偶憇一城隈物情供遡洞黃魚冬入饌紫蟹夜銜杯沙

輒人蹤疾

新漲之沙濕而輒人疾行則無害一停足便陷

濤翻鳥隊來

潮頭上每有白

鳥千百貼水飛翔若導而西

好將吟望裏鄉夢莫教催

鎮海塢修成許西山明府九日同登賦詩二首次

韻

城南佇望鬱嶢嶢五夜鈴聲接鼓譙控制何煩王府弩
混茫直壓海門潮休驚側帽凌千尺却喜朋簪傍九霄
此日籬根誰送酒中衢久已共傾瓢

其二

偶泛秋槎此一停何來井幹插天青影移雉堵連雲合
勢挾鼉宮散雨靈身處最高逾眾品步循層級見官型
從今浪打新塘外盡道恩波到二溟

張子書乘丁子飛濤同集張子指較書云老年花
似霧中看戲咏之末引張公超作五里霧將以
挑和章也

高堂置酒錯相酬擁出名花照夜遊玉貌故應羞素髮
金篦誰與刮衰眸雖非平視嫌公幹似有簾衣隔夏侯
十里青樓迷五里不勝煙月籠揚州

西山許侯讌署中同陳介眉仇滄柱許時庵及甥

戚次匪

多君愛客就冬溫吳越名流盡在門文字盛衰憑眼力
當筵氣象愜公論松枝作麈談能晰匏葉充庖道自尊
每講學滄柱時庵爲說書義候幼不如輩獨愧鬢絲霜一席似將竈婦設瓶
盆

購亡友范文白遺墨

定交端只在詩篇兼是銀鈎八法傳勁骨非同春蚓筆
高才偏厄已蛇年紗籠半壁搜枯衲墨寶空堂問後賢
聞道牙籤仍滿架平生手繕有新箋

范子言四書經史皆蠅頭小字箋於

章句首尾

鹽官寺樓對雪